

## GURE PELOTARIYAK.

JUAN JOSÉ GOROSTEGI (IRUN)

Gizon egiñik achitua du  
Bizi moduzko adarra,  
Dalako besoz indartsua ta  
Chimišta beziñ azkarra;  
Plazan korrika dabilenian  
Diruri zezen nafarra,  
Edo bestela suzko kurpillan  
Jirako su eta garra.

Besagaindikan gogor jotzen du  
Sake gogorra atera,  
Kontrariyu biltzen du bere  
Neurriyetako katera,  
Aurre jokuan chit egoki du  
Egiten bere papera,  
Bigurriya du bi paret-eta  
Joku motzeko sarrera.

Bere lekua ondo zaitzen du  
Bear dan gaiyan eutsiyaz,  
Eskui joku nasmengarriyaz  
Tantua ondo neurriyaz;  
Jolas tokitzat artua dauka  
Plaza, chistera jantziyaz,  
Pelotaritzan sayatzen danak  
Tellagintzari utziyaz.

Beso biurra chit motela du  
 Zeñaz ez dan ezer fiyo,  
 Iñoz edo bein saiyatzen bada  
 Osoki ukatzen diyo;  
 Choko aldera pelotarikan  
 Iñork botatzen badiyo,  
 Sayatu arren achitu nairik  
 Ez diyo ezer baliyo.

Bañan bekokiz askotan oi da  
 Jartzen biziroki illun,  
 Zeñaz orduan pelotariya  
 Zeiñ dan erakusten digun;  
 Beso biurraq ukatu arren  
 Zankoz arki da chit bigun,  
 Nere iritziz esan det zer dan  
 Euskal pelotari *Irún*.

### **PEDRO ARRESE IGOR (PORTAL)**

---

Idi, uztarri eta akullu  
 Utzirik era bat oso,  
 Pelotaritza ager zitzayon  
 Beretzat guztiz eroso;  
 Igarri zuben itzantzlan zala  
 Biziko beti nekosoi,  
 Argatik orain dago igari  
 Urre putzutan chit gozo.

Aurre jokuan gogorra dala  
 Denok degu aitormena,  
 Orren besuak dala diruri  
 Argiñ malluen kirtena;  
 Pelotaritzan achitua du  
 Malla goitsu ta lenena,  
 Plazan aguro begiz jotzen du  
 Uts-unak duben legena.